

兩朝從信錄

兩朝從信錄卷之三

秀水 沈國元述

十月甲辰

泰昌元年

疏中有言
有不當可
見論事之
難而論人
尤難

刑科魏應嘉會議疏曰、臣忝列諸臣之後、臣因見有詢及
遼東經略熊廷弼應代與否者、衆皆曰、廷弼應代無疑、有
語及廷弼之功罪者、臣因曰、廷弼之經略遼東也、雖支撐
一年、但虜不來耳、看近日、倉皇殺擄、隱匿不報、不敢謂之
無罪、則不敢謂之有功、臣似有仇于廷弼、而臣不然也
國家爲奴酋逆天犯順、經營二年有餘、而廷弼受命專征
亦一年有餘、此邊疆何等事、

用刑大刻
不爲無罪

君父何等委任、試問今日景象何如哉、以兵言之、天下援兵約十三萬有奇、遼東土兵約八九萬有奇、而皆不足其用、今廷弼之言曰、各省鎮所發兵馬、即再添十八萬、亦不中用、必如何而後中用乎、豈欲盡九邊精銳、盡來援遼、不留一卒、以成已之封拜而後愉快乎、有兵不練、輒曰兵弱、募亦不來、來亦逃去、皆有做工枉殺之懼耳、此臣爲皇上之兵計也、非仇廷弼也以餉言之、一聞患耳、盡天下之陸者、水者、輪者、輓者、無不受盡苦楚、除

先帝所發二百萬外、一年之外、已用過餉銀八百餘萬兩矣、猶曰餉不足也、倘如是遷延、必爲數幾八百萬而後成

野勢有難
易則二夫
有差遠不
可執常而

功耶。夫一緡一粟，皆以供軍。廷弼何私焉。但謂其如許之
兵餉，而空靡費于日用，不見料敵出奇，有尺寸之效，即傾
東海之水爲糧，恐亦不足，不謂之坐靡糧餉，不可此。臣爲
我

皇上之餉計也，非仇廷弼也。以軍資言之，年來買馬，幾傾
府庫，向兵部委一萬有字，捐數十萬金錢，將所買馬匹，十
不得其一用。此固委託非人，有字不臣，所當從重究處。然
皆以之供遼，而徒見日削日墮，如以次入犯，則報殺官馬
幾十匹，殺奪極多，報數極少。即今濟奉奴兵至城下，據經
臣所報殺奪馬匹又近六百矣。果真六百耶，抑尚不止此。

耶草料徒費馬又殺傷有兵無馬何以應敵即如前數十萬金之火藥付之一炬廷弼曰何等嚴明竟不奏何人看守何人失火有無細作暗入潛燒乃混言天火一筆了事此等糶糊在他官他處已不待查中奏報而先昏尚方之劔矣至其殺人如戲不殊屠伯該鎮共痛舉朝共知何待言此臣爲

皇上之士馬軍資計也非僂廷弼也以村屯言之自廷弼受事以來試問保得幾處村屯否禁得幾處殺擄否花嶺王大人等處之殺擄御史陳王廷綬一指點實據即欲剿刃寘胸若曰此邊疆常事顧經略一年有餘不能遠其哨

探堵其殺擄而以爲常乎有樹無皮何以爲樹科臣楊璉
不言之乎村屯皆遼之土地殺擄皆遼之人民以盡地嬰
城如藩如奉曰此爲遼彼非遼也而可乎血飴流離如此
而廷弼猶曰半個遼陽亡而復存木無東隅之失何有桑
榆之收不知其清撫閒鐵之閒所存何地所復何城何以
謝三韓父老子弟而忍聞其野哭此臣爲

皇上之村屯人民計也非仇廷弼也以道將言之道臣高
出等皆係斟酌其才望以應遼急者總兵李懷信等皆係
名將而又爲廷弼所取者乃于道臣一言不聽大將罵之
如奴人人鬱憤氣滿胸膈而約結蹀躞都求解脫只有告

病求去一路、如李懷信不勝其挫辱、決意病聞、其入關一
日、一夜行三百里、此真病耶抑萬不得已而然耶、懷信在
今、卽當立召至京、以應遼急、至于道、臣多有洋洋焉書及
于朋友、而不敢公言、如此失人心、雖令良平入幕、頗收乘
鉞、亦無成事、廷弼固自知之、何必問曰某道某將也、不見
監軍御史、令走角門、在御史固爲自失其體、而在廷弼何
以悍然冥行乎、此臣爲

皇上之人材計也、非仇廷弼也、且今日非獨無仇于廷弼、
而且有以相成者焉、據廷弼高言雄氣、自比何下伊呂、但
取漢臣諸葛亮、卽以方廷弼何居、始而泄泄自用、以封拜

自以為廷
病後從后
經帶未終
亦受譴不
沒可惜以
有用之才
肩越與無
月同

爲墜手不能開誠布公集思廣益以盡群下之情繼而戀
戀首丘以敗局遺後人不能鞠躬盡瘁死而後已以畢公
忠之義在今日爲廷弼計亦惟有日不效則治臣之罪以
告

先帝之靈如亮之所以自處者街亭一敗削官自贖廷弼
獨不聞乎則繳尚方之劍鐃侍郎之秩身伏斧鉞惟恩
惟威聽之

皇上是所以報

先帝而忠

皇上之職分也即愛廷弼者曰廷弼一年之間原有功可

紀則亦令廷弼自陳其功以贖其罪毋徒曰

國家負我舉朝負我而我未嘗負朝廷如與友人之書

也如此庶幾後之經略遠東者有所懲勸感發爲

皇上愛惜封疆不致爲之以圖一去以甘再悞耳臣言官

也有所畏而不敢言有所隱忍而不盡言有所觀望避忌

巧爲今日之緘默妄計後日之營脫而不明與

皇上言之天下聽之皆非臣職也非臣心也是以博採公

論俯竭愚誠盡言不欺仰達

聖聽恃有

皇上天地之公日月之明在臣何惜區區之怨口哉

經略熊廷弼與黃本兵書

書曰：至見老先生辨揚字科疏，謂以積怯之勢當方張之勢，及經臣以寬政而實本兵于湖廣，笑老先生之善推一誤字也。雖然，不誤，有不佞之累贖在，姑舉一一以相質。記去年十一月，有部調紙上有兵出關一疏，內言兵部尚書黃嘉善等不肯爲皇上獨當大村屯時，即檢丁汝襲等故事，盡戮諸臣，亦何補于成敗之數。蓋責老先生之愷也。今年正月，有明旨，權兵愈嚴，中外虛應如故。疏請旨考及兵部內

有仍乞

天語叮囑，樞臣目前三路失師之後，復如舊兵出關，張揚聲勢，賊必不敢入犯。聞嚴乃視邊臣時說，漠然不應。既已被賊窺破，連貽重報，始令帶罪經理，若此番調遣仍不如數，不依限，致有失陷，所罪俱實，定有祖宗朝處治本兵之法在。蓋又責老先生之愷也。夫各邊巡撫仰皇恩于中樞，苟非老先生懋事至極，誰敢輕引丁公事例相加，而覽疏拊心亦可以思矣。若大關外之事，自有不佞調度，豈老先生所能制，但從未經略節制諸鎮一應兵馬錢糧，將調發如意，今獨節制河西留

募班兵馬萬數千人應往河東者亦不便調而至山海關以內即不能行一步曾以節制事屢求老先生是又不以實應催之急又喇喇口角日不能關外之事實爲老先生所實由老先生誤有好兵將好器械湊手應用何至今日而猶得至有今日之光景者臣何敢多遜不然而老先生之實于顯聞久矣韓道三路之罪點逾歲之矣不經臣是德而反弄機鋒扯人以自卸豈老先生之誤事被劾因不佞而始有耶且所謂及于寬政者謂其人原應嚴議而姑從曲赦之謂也不佞之罪安在而須人寬議近日本部差來張李兩主政身親日學老先生誤人事又終年篋留條入條出而總總求寬爲也有主太錄瓊在能中而後新都得立功于關外不佞之過老先生生命也何言哉

罷兵部尚書黃嘉善以刑部尚書黃克緝暫署本兵并協理戎政仍命作速會推

初三日丙午莖

神宗顯皇帝孝端顯皇后奉命題主輔臣方從哲回奏曰

初二日恭詣天壽山

定陵時即詣

梓宮同至

獻殿臣隨供事諸臣朝夕行禮如儀至初三日午時

梓宮先後俱進

皇堂臣與奠獻監禮各官同入周視百凡安妥至申時掩

玄宮後恭題

神主訖惟時天氣開明六合清朗人事謹愆天心效靈大典告成羣情歡暢

皇上至孝，可以竭盡于一時，而

皇后明靈行將永安于萬年矣。至于相擇吉地，臣于初四日偕內外諸臣侯拱宸、黃克纘等閱歷數處，其潭峪嶺形龍山二處，諸臣皆以爲未佳。至皇山二嶺，則衆口一詞以爲天造古壤，自

長陵外當不多得。但事體重大，不厭詳慎。輔臣劉一燝與侯拱宸等欲于次日再行覆視，俟有成議，然后奏聞。

先是擇于九月二十八日發引，大學士方從哲題主，禮部孫如游監禮，御馬太監王進忠掩土，至是禮成復命。
五日戊申，武選主事賀萬祚言遼事宜恤遼人，開屯田，用餽以佐行間，簡汰以清兵食。一時稱爲救時名策。

遼東經略熊廷弼既數疏陳列而臺臣馮三元、張修德、科臣魏應嘉謂其硬口飾辨，復交章駁之。有欲罪以靡耗失事者，有欲罪以托病脫卸者，有欲罪以捏造逆傍者。于是廷弼又有行勘尚屬虛文之疏。

上曰：科道魏應嘉、馮三元、張修德與經略熊廷弼屢次互相奏擾，若不速勘，無以明罪。就着魏應嘉等前往遼鎮會同彼處撫按勘明，從實具奏。

以巡撫袁應泰經略遼東。

刑部主事董繼周上言：海運募兵之效，請纓遼左時皆壯之。

十一日甲寅、敗曾于灰山

科臣楊漣勘事勿遣言官疏曰、臣惟

祖宗設立科道等官、凡外內大小各衙門事體、詐得風聞糾劾、或有議論未定、事在彼中、難以懸斷、時一行勘、要于事祈核實、以服彼言者之心、夫亦就各該地方撫按官勘報、或另差官公同會勘、此從來一定之體、未有即以言事之官、勘所言之事者、臣接得遼東經略熊、乞勅原參科道來遼、速勘以清朝議事一本、奉

聖旨、云欽此、臣等不勝駭異、此在閣臣當日票擬之意

或曰遼東之事、即勘以言遼事之人、則功罪不更人而議

一可以服舊經臣之心。一可以息更爭駁之口。不知勸者
即言者。就令勘得逼真。心誰肯服。所勘之人。與所言之人。
畢竟各不相下。反滋多口。成何政體。況日者奴酋恃強挾
衆逼處撫順。奉集地方。舊經略意氣已頽。新經臣經營未
定。乘瑕抵隙。儘有可憂。若突遣科道三人往勘。道將之
精神耳目。不無又多照應。驚亂一番。中間恐有不便。斯時
也。臣謂熊廷弼之功罪爲小。而封疆之關係爲大。故聽勘
既奉

明旨。在舊經臣以被言離任之人。祇宜虛俟。滿朝公論靜
聽

皇上處分。不必紛紛角口。在閣部大臣。但一面責成新經
臣以全付精神。緊代舊經臣圖破虜。無存誰先誰後之心。
一面督推遼東新按臣張銓前來監督。着令平心細心勘
明公案。無開繼至之口。無留不結之局。其科道三人往勘
具奏。成命力請收回。無傷從來論事勘事大體。致啟後來
交爭釁端。期于遼事國體。均有攸賴。不然使風聞言事之
人。即作原事勘問之人。無論道路之往來。各該職掌之馳
閣而建言者。與被言者。相駁而終不降心以從。議論日紊。
葛勝不已。或煩

明主之聽覽。而漸開言路之睽疑。誰執其咎。閣臣即不自

別差公勅
不移之正
論也

愛絲論職掌其于封疆社稷何哉事關國體臣等不敢不
言仰祈

聖明裁察

御史吳應琦勘官必須另遣疏曰慨自奴酋匪茲三韓敗
衄

皇上睦焉東顧特起經略熊廷弼于田間秩以司馬賜以
尚方資以金幣誠不次之擢而希世之榮也爲廷弼者上
之開誠布公除亮雪耻以恢復

祖宗之封疆次之株馬誓師用間設伏而以保全中國之
赤子又次之而以鞠躬盡瘁認罪引慝以仰聽

微上座下
難免于禍
矣

朝廷之斧鉞豈非分義所宜然哉。無奈其志大而量小。才短而計疎。內而司農司馬。柳榆之若。傀儡外而監軍道將。叱咤之若。奴隸。致令中外解體。將士離心。狡酋因而窺竊。肆無忌憚。小入小利。大入大利。殺擄村屯。長驅疾捲。人畜一空。疆宇口盛。兵力日殫。於是舉朝臣工。相對蹙額。憂結局之無日。恐一穴之潰堤。而科臣魏應嘉。臺臣馮三元。張修德。相繼具本。糾之非僂廷弼也。正所以爲封疆而忠于陛下之職分也。不意廷弼盛氣未除。毒手隨發。遂請三臣往勘奉

聖旨

云

欽此。夫廷弼用師經年。付託不效。其城堡之修

理兵馬之強弱、錢糧之虛耗、與夫地方殺擄之多寡、非行速勘、無以明罪、洵如

聖旨、就着魏應嘉等前往行勘、終竟未便者、臣等謹爲皇上陳之、大凡兩造具陳、必取裁于主者、今三臣往勘、必謂以先入成文致、終無以服

朝廷之心、一不便也、邊情欺隱、積弊已久、所憚者勘耳、若三臣往勘、猶復以文致開展辨、則將來敗壞邊事者、益何所顧忌乎、二不便也、風聞言事科道職掌、即指斥官闕、亦未嘗勘究虛實、今言及違事、便擅扯偕往、則後有掩敗爲功、指鹿爲馬者、誰肯復爲摘發乎、三不便也、竊謂此一役

言官論事
當核實如
以風聞爲
主不無虛

官失特功
罪案當悉
懲葛藤亦
原任事

刑部律例
卷之五

也。勘之而實罪屬欺隱。廷弼自當其辜。即勘之而不實事。

頃再詳酌勿長徒挾之風

屬風聞三臣亦不任其咎。應嘉等業已欣然願往。但今科道之中。饒有風力者。自不乏人。各舉其一。單車過往。即可了此一段公案。若必遣此三臣。是喪言官之氣。而生奸雄之心矣。于

皇上公平之政體。新參協贊之嘉猷。不無少有累耳。臣等共為是慮。合詞以請。伏乞

聖慈收回成命。連下部院。公舉風力科道二員。前往遼東地方。將魏應嘉等與廷弼屢次所疏事情。會同彼中撫按一一查明確從實具奏。以正廷弼欺隱之罪。其魏應嘉等

既明心定
可壯新朝
之色元稱
名族

情之笑

仍各照舊供職庶言官益殫忠猷而邊臣共加震惧矣

山東道御史鄭宗周亟籌兵食疏臣聞伯夷謨曰儆戒無

虞固闕法度蓋衆人一時之安聖人之慮遠必規萬世之

計未有祖宗法度不修而可以貽經久無窮之利者頃自

建奴肆逆遼左垂危舉朝蒿目而憂不足者惟是兵食二

字顧以足食言之生財自有大道豈共一意剝民乃那借

窮而搜括搜括窮而扣派後議稅契廣事例青衿可嚮當

舖可括一切苟且猥瑣之政秋毫必悉然錙銖之取總不

足供泥沙之用于是今日加派二十萬明日加派四十萬

又明日加派一百二十萬焚林竭澤任海內之凋耗而莫

之憂、以此足食、可謂有制乎。無制乎。以足兵言之、一方有事、誠不妨量爲調遣、然就近抽補、不惟朝發夕至、抑且風氣相習、羽書一馳、張惶莫措、邊兵調矣、土兵調矣、又爲之檄水兵、又爲之募民兵、罪弁可脫、女流可將、乃紀律不嚴、刑政不立、未統兵而先准加銜、既失律而猶令招撫、倏而議求倏而議出關、調者已逃、募者未至、安家行糧衣甲之需、不知費朝廷多少金銀、而遼左曾不得一臂之用、以此足兵、可謂有制乎。無制乎。太倉一年所入、不過三百六七十萬、而九邊年例、舊餉共該三百八九十萬、至于在京文武勲臣俸祿庫局等項、復約計四十萬、此額外不足之數、

每歲當六十萬何以供之。遼左援兵十八萬計水陸脚價與本折召買等項歲約用銀五百八十餘萬今加派者僅四百餘萬耳此一百八十萬之急需胡以應。蠶爾小醜騷遍海宇今西虜觀釁而動又胡以禦之。糴已潰而猶不收舟已漏而猶不補泄泄忽忽徒委于莫可奈何束手以聽禍亂之日至與言至此誠可寒心。臣愚以爲圖救時長策莫若申明祖制。

祖制明不見有加派之苦而財自裕。不見有召募之煩而兵自強。夫京營兵一國初四十餘萬嘉靖時尚二十餘萬。

今何止十二萬也。即以十二萬論，果皆投石超距，堪備戰守之用者乎？鼓譟偏多餘勇，荷戈不勝，惟怯，乃掛名虛冒，占役賣閑，又復過半，兵不可用，與無兵同。即京營而邊鎮可知也。遼兵原額九萬六百餘，今止八萬一千九百零，此一萬二千七百之兵，何以議減？遼餉自隆慶元年後，原額十三萬三千九百餘，今加至五十二萬五千六百，此三十萬一千六百餘餉，何以議增？餉日虛而兵日減，固已不可爲解。況兵半虛名，餉無實用，言之真可歎息。即一鎮而九邊又可知也。至于年例日增，如嘉靖十年已前，邊餉共用六百八十餘萬，至萬曆四十年已後，頓增至四千餘萬，且

在核之精
行之必

引月增即未易遽言裁損然以此四千餘萬之餉盡以養死士尚何不可守則固戰則強乎誠使

廟堂之上毅然獨斷

祖宗額兵若干額餉若干悉遵方策之洪謨一洗近日之積蠹即或事勢難革不妨量爲調劑有一兵必有一兵之用有一餉必得一餉之兵解瑟更張如唐之議復府兵者將內順外威赫然奏中興之業詎非萬世之利哉宋趙雄奉大閱器甲鮮明紀律嚴整十萬之衆一一少壯孝宗曰前此虞允文行揀汰之法諸軍皆無老弱乃見成效倘今日乘銳能力行虞允文之議就各兵見在錢糧簡各兵

士馬汰其老弱虛冒必清浮費必減內而司農司馬極力主持外而督撫道將加意洗刷倘有不足當亟復屯監之法嚴行鼓鑄之條苟可濟于

國家不必避乎勞怨而又欲以小民剝肉之難邊軍枵腹之苦國勢燃眉之急財用露肘之艱誠明告

皇上慎儉德以懷永圖凜民苦以固邦本織造等項可停者停之母貽負薪之誚食庫光祿等項可折者折之母蹈割股克腹之譏愚納牖遇巷再三懇請我

皇上英明天縱超出千古當未有不轉圜聽之者因損得益轉弱爲強亦今日救時之術也不然者玩日愒月徵幸

頃清領兵
餉給則無
伏臨時之
加派募召
爲夫

旦夕無事。火已焚棟。尚未知瓶壘之難支也。而任其虛耗。如故。明知行伍之日空也。而任其頽廢如故。徒惜人情。同急。

國事。點鐵既苦于無術。象人終不可爲兵。禍切剝膚。一旦決裂。流涕痛哭。臣俱不知稅駕矣。至若加派。非所以籌邊。召募。非所以敵愾。臣請爲

皇上直窮其害可乎。夫計天下奮戰之士。不下八十餘萬。而京民二運。與夫年例之費。不下數千萬。舍見在之兵。不練。置見在之餉。不清。而驅赤子以干戈。竭精衛以填海。不知。

祖宗養兵以來將安用之其不可一也天地生財有數人情惡死樂生今正賦尚且逋負而迭徵不厭再三雖遠餉可以相完而九邊必致虧闕兼以不肖有司政猛如虎吏胥上下爲奸雞犬不寧室家難保疆圉未必寧謐而根本先已動搖其不可二也節用則雖詘必盈不節則雖盈必詘無制之兵不可以勝今養軍如驕子而用財若波逝遼左出入之數竟不可問河上逍遙之兵莫敢誰何聞風則棄甲而逃臨陣則倒戈而授未弭外患先釀內憂其不可三也邇來天變日新夷情叵測戎狄豺狼所在生心重以兵荒洊臻民窮盜起潰決之形已見不戢之禍且深而尤

不加意撫恤。日事驅迫。恐嗷嗷待斃之民。則遲遲思亂之衆。即急下蠲租之

詔。速罷徵兵之令。其能收旣渙之人心。而輓方蹶之

天命乎。大厦將顛。噬臍何及其不可回也。夫以

祖制之當遵。若彼。而加派召募之貽禍。若此。孰利孰害。

陛下奈何。徂因循之說。而忘萬世之慮哉。況遠事結局無

期。廟筭豈宜再悞。暫行固已不堪。久之必致大亂。臣故

以爲亂遠東者。奴酋。而亂天下者。則中國實自擾之。非奴

酋之能中國難也。雖然。信賞必罰。固人主勵世磨鈍之大

權。頃黃嘉善雖已去位。然誰掌邦政。而遼東疆土。半淪腥

臆乃不嚴行譴謫。尤然廢子慰婦紀綱大壞。賞罰倒置。不知後之任事者。又何以責其効死封疆也。若計臣李汝華憂國有心。匡時無術。揆以陳力就列之義。亦當速令自裁。以爲因循尸素者之戒。至于四郊多壘。兵且在穎。願中外大小諸臣。管膽臥薪。毋狃燕雀之娛。而忘胡越之智。天下事猶然可爲乎。伏乞

皇上勅諭戶兵二部。酌議經國長策。開誠布公。慎毋再襲近日會議虛文。徒貽虜馬渡河之笑也。

命行人徵請輔臣葉向高。朱國祚。史繼偕。沈淮。何宗彥入閣。

地
詞學
義正詞和

十八日辛酉考選科道

大學士方從哲題日講官六員錢象坤孫承宗周炳謨魏
廣微李光先李標正字二員中書馬健唐允恭報可。

吏科周朝瑞上言竊惟自古帝王之要無如典學況我

皇上以冲齡握神器之重從前國史未親則今日時習之
功毫不可緩舉朝總總然慮之如講期之當早定講官之
當慎選與夫進御當以何書開導當遵何法竝蒙

聖採隨諭禮臣卜吉則

皇上自今庶從事于學矣故人主非不學之患而收實
益之難臣謂學有日講講有日益願

此以下言
潛克其難

陳傳復伯銷

卷之三

十六 十月

以下言臣
克其難

皇上當自克其難。學先立志。古人可作。今人亦可作。日夕
乾惕。必欲潛心講道。追論前王。學病厭常。今日進講。明日
又進講。雞鳴孳孳。猶望立見講臣。再圖循問。學戒自諉。講
或信心。講或未信心。寤寐思服。務期旁通講義。不愧師承。
以人主之尊。下學則講之久。惟恐君勞。講之直。又防君忌。
而精神不鼓。意氣全損。奈何喜講官之片譽。徇情浮言。完
事。荒如流之歲月。貽莫追之悔恨。爲耶。君克其難。而臣不
難矣。臣有其難。亦當因君之克。而共克之矣。綺語連篇。聽
之神倦。簡易說理。明白敷辭。反可煥發。天聰更可開拓。
睿識。竝能補裕。聖修堂簾隔而師道益尊。總宜勿令。

君心太苦、乃講習尚未終事、可窺吾君之微有退志而殆將罷席乎、向前已費講解、可以任吾君之過目即忘而不一覆考乎、情氣稍乘、講期偶輟、獨不可尋方振起、盡其力爭乎、臣克其難而君受其益、

君受其益而臣亦予其名、願

皇上與日講諸臣交勉焉、有如揖讓祇修辭文章句徒飭耳目、君德成毀治道張弛畢竟何如、亦大非

先皇帝憑玉几屬望諸臣輔

皇上爲堯舜之意、臣愛君一念不能無言、伏乞

聖明留神省察、

吏部接出

聖諭今歲

皇祖考妣

皇考升遐、喪禮相繼、古今未有、昨

山陵襄事、

神主升祔太廟、大典告成、前

先帝嗣登大寶、繼朕登極、典禮綦重、尚書孫如游以一人
獨任艱煩、殫竭忠猷、悉心籌畫、勲庸懋著、勞績可嘉、今特
茲簡任、著入閣、與元輔方從哲等、一同辦事、以昭朕眷優
勞、臣至意、其該司官、著吏部從優紀錄、故諭

御史賈繼春、安伸、田珍等奏爲揆席特從傳奉、舉朝太駭、聽問、謹合辭糾駁、伏乞

皇上收回成命、以杜夤緣、以維廉耻、臣等接得邸報、見吏部接出內旨、禮部尚書孫如游、同入閣辦事、一時大小臣工、無不駭異、僉謂宰相乃第一等官、須得天下第一流人、果當輔臣、闕員之日、要必明付廷推、公協輿論、而後宣麻、有色、拜命無慚、即其始進之端、可望匡扶之效也。若孫如游何如人哉、彼其龍鍾有年、熟軟無骨、臣等不忍苛求其生平、以傷雅道、但就日前兩次會推、皆不預名、則其無品可知、漠然于棄擲之時、覲然履宗伯之任、則其無耻可知、

兩朝御集卷之三
即曰大典勤渠

山陵拮据亦自職分內事非有

先朝從龍之奇遇議禮之偉伐也

皇上覃恩頒賚業已酬待不薄何致以三公爲克賞之具九重結獨契之知驚天下之耳目輕出鉉之名器哉竊恐不以金甌注而以瓦注之無令會推之典盡吐如游竟從曲徑以進其亦何面孔踞百僚之上而對天下之士大夫乎若輔臣者旣從諛

先帝之中旨累累而託之特簡又播弄

皇上之威福嘿嘿而忽以傳宣藉令不知是誰稟擬藉令

此疏言言
定際在力
行之耳

知之、敢爾擅權、日無糾繩之臣、手携爵祿之柄、自此而聖
勅斜封、無所底止、亦可爲寒心咋舌矣、伏惟

皇上收回成命、庶于政本之地清而登庸之典重矣、而禮
臣如游、寧忍掃盡廉耻、抹殺清議、徑入黃扉乎

廿一日、甲子、敗會撫安○右通議呂邦耀奏曰、臣仰見

皇上天姿凝重、睿質安詳、其不世出之姿、真大有爲之

主、且諸臣隨駕、召資不時、旣盡會君相于一堂、自可聯

官府爲一體、超三邁五、夫復何難、臣所慮者、外氛未殄、內

難頻仍、

神廟之杯土未乾。

先聖之烏弓又墮。

太后慈顏具隔。

中宮敵體未逮。

皇上獨處深宮。隻形孤影。有懷誰吐。痛痒誰關。孰爲屬毛離裏之親。孰是推心置腹之輩。滿宮宦豎。有賢而亦有奸。終日嘖笑。可窺而亦可借。或探

皇上微喜微怒之情。而順爲不返之勢。或乘

皇上極重之勢。而藏其不可詰之情。我

皇上四顧躊躇。莫之適向。欲用人而不知某人之可用。欲行事而不知某事之可行。欲賞有功而妒之者。或使不在

如此則
軍自不
敢以邪
說進

君側欲謂有罪而譖之者或爲代文其奸雖未必盡有此
謀恐宵小計不出此臣願閣部大臣各合詞以請永

皇上將近習所奏之語一一記之于心于召見大臣之時
一一咨之于衆披誠以露其隱霽色以歛其威察其人之
言如此是乎否乎朕欲行此事而一人贊之一人止之止
者是乎贊者是乎如父母之問于家上之問奴令其明白
條陳大家商確諸大臣受

先帝寄託之隆誰敢顧惜舍物不爲

皇上出力且

皇上業已降志以問大臣自然悉意以陳司票擬者曰

皇上來何事臣代爲分猷司賞賚者曰

皇上的見何人有功臣代爲旌能

司糾慝者曰

皇上的見何人有罪臣代爲祛黨如孝子之事父色色留心如賊獲之護主件件置辨喜起盛事不讓前人此其責在大臣而使

皇上無孤立之虞者一也臺省自有章奏類皆議論嘉猷皇上不能一一而披左右豈能條條而解必須講官開譬方可明白無疑但不必褒浮莖不切之講論亦不必引高遠難行之故事擇其或關君德或裨民情或可嘿輓宵小

之陰謀、或可明助乾綱之獨斷、人人可師、事事可行、以俗語常言、闡發粗枝大葉、

皇上聽之、不厭其煩、義正詞嚴、諸臣聽之、咸有所憚、且每日輪流給事中一員、專管六科章奏、御史一員、專管十三道章奏、講官酌而陳之、

皇上即將每日講筵光景、使科道信筆直書、當日發抄、傳播中外、則出口入耳、既可受益于大廷、虛往實歸、亦可驚心于燕處、他日相業、即在今日講臣之中、今日空言、即可他日見之行事、啓沃盛事、不讓前人、此其責在諸臣、而使皇上無孤立之虞者二也、

皇上不利于左右

皇上聽之必喜，左右聞之必怒。雖至易者亦至難，斷之

皇上雖至難者亦至易行之。即是又何疑哉？臣生長京師，

曾叨諫職，身依日月，心厯丹青，出位沽名之嫌，臣不敢避，

近習側目之禍，臣不敢辭，懇乞

皇上採擇施行。

戶科張國祥上言。

皇上踐祚以來，言路大開，嘉猷日進，保護

聖躬者，忠肝披瀝，不難斥；宮闈之親貴，肅清仕路者，義

憤激昂，不難侵；密勿之大臣，慮周邊防者，直發氣舒，不

難摘師中之長子

聖主虛懷以翕受，中外戢志而敬從。惟昌言之無諱，何至治之不臻。臣謹廣其義，再申言之，則辭佞不可不預防也。相業不可不更新也。將略不可不早定也。請竟其說。自古輔養君德者，惟慎選左右之爲急。有道之世，未有不親近忠賢者也。失德之朝，亦未有不狎溺宵小者也。何者？彼其地近而情昵，上之嬉笑怒罵，無所顧忌。易開以可乘之隙，下之窺伺迎合，無所隔絕。聲色貨利，狗馬毳毼，沉湎游觀，珍奇玩好，一爲所中。始而蠱惑君心，繼而盜竊國柄，覆轍相尋，歷歷可按。如

武廟初年、夾輔得人、固可與大有爲之資也、惟其寵信劉瑾輩、

傾命之大臣、逐忠直之司禮、逐太阿、倒持威福、任意濫亂朝綱、流毒海寓、大盜藉以爲名、神器幾于震動、雖旋就誅、而虧損匪細矣、我

皇上英明天挺、萬一不至于此、然慮患當慎其微、蚊穴之潰、寸炬之燃、九泥杯水之弗用、而滔天燎原之是憂、何見之不早、此時

聖心如山下之泉、初出之日、患爲泥沙雲霧所彰、混耳願皇上于從容暇豫之際、莊敬自持、老成是倚、如有側媚澆

薄當先巧中者輕則降調重則貶竄庶幾

聖體清明

聖躬培養從此親信儒臣講明聖學堯舜之盛德大業基
于是矣臣所謂僻佞不可不預防者此也國有內閣之任
即古宰相職也朝政之污隆世道之否泰萬姓之愁愉四
夷之叛服評相業者執此以定殿最輔臣方從哲獨相七
年試請自省必不慊于獨知何惟于人言之踵至也

皇祖之朝動輒以無力回天自解當此

聖眷優隆言聽計從之日豈非輔臣得效時乎如近日中
旨傳宣益覺大拂公論群情猜疑咸謂票擬之內默寓傾

言官之心職以爲輔臣受

兩朝顧命無補浴之功而先行摧殘之術稍自愛惜不應如是臣不敢苛求以傷

國體但願輔臣澡心滌慮開誠布公勿聽佞而仇直勿喜靜而塞謀以精自事

明主以冲虚資僚友以至誠惻怛之精神疏通于官府之間明開其善念而默寢其非幾以廣大蕩平之赤悃推于縉紳之腹融化其偏邪而令歸于中正以清介端嚴之風彩薰被于百司庶臣四海九州之心變其貪競而盡還于恬靜將蠻夷慕義而獻琛反側稽顙而悔禍弼成中興

之上理爲中興之良佐勒竹帛而光青史是在輔臣一轉念間耳不然瞬息之榮華易過千秋之袞鉞難逃富貴可戀名節亦可惜也豈以輔臣之智而不見及此乎臣所謂相業不可不更新者此也中國制夷之策不外勦禦兩端勦非幸勝于一戰也犁庭掃穴雪耻除克而後勦之局始完禦非嬰城以自守也來則偏之使去去則不敢復來而後禦之局始完今熊廷弼經略遼左修築開濬鼓舞堵截是其一得未可盡以爲非借使調無用之兵糜難處之餉不至疲敝間左以爲根本憂遲之數年未能成功于勦亦可收效于禦惜其志大才疎氣高並福諸臣論列業無剩

義奉

旨行勅無容再贊矣。惟是臣所慮者經略更易之際乃敵人乘釁之時正宜聚精會神料理防禦而三臣竝出冠蓋絡繹文移旁午聚族而喧囂者是何奇正之策毋乃懈軍士而長寇志乎說者謂功罪不可不明據臣愚見此時喫緊惟敵是求仰藉

言
不從此

九廟威靈削平有日不惟延弼可從寬宥即楊鎬何妨未減不然而蕩定無期變生意外不惟當局者莫逃悞國之罪即旁觀者俱有胥溺之憂奈何于危難之場作此擾攘之舉也今日急務宜令袁應泰條上方略或能任勦或能

任。禦。用。若。干。兵。馬。若。干。糧。餉。限。若。何。年。月。結。若。何。局。面。
廟。堂。之。上。再。加。審。擇。如。不。可。用。速。宜。精。選。才。賢。者。另。簡。更。
易。勿。貽。將。來。之。悔。如。果。可。用。亦。當。寬。其。銜。轡。共。爲。供。辦。徐。
觀。後。效。之。成。願。應。泰。精。籌。彼。已。速。上。方。略。今。日。之。擔。當。即。
後。來。之。契。券。何。不。可。早。定。也。

二十四日丁卯、賊驚宮災、

上諭閣臣曰、皇五弟興諸公主、見居塲勤宮、與賊驚相。
隔甚遠、已差人守護、今賊驚宮雖毀、選侍李氏暨皇八。
妹俱無恙、特諭卿等知之、

編修錢謙益復官、

南臺御史傅宗臯奏曰仰惟

法宮違器
用藥之改
反朕脉之
有無皆不
可懸斷輕
擬皆迫令

大行皇帝英明踐祚政令一新旬月之間百廢俱起薄海
內外相與歡暢鼓舞異見太平悠久之治實孜孜矣詎虞
抱疾數日迄於

不已不惟
無救于
先帝而且
有傷于國

彌留逮邇臣民間報之日無不舍悲飲泣追恨崔文昇用
藥悞

假但諸公
一齊務
林漸然
微將之皆
心切於
世以其
投于逆
尾數萬

聖威思食其肉而寢其皮臣因是以細詳之謂崔文昇之
悞藥為無心耶何以調護有年不聞用藥悞事乃於
先帝聖體偶恙之日悞投尅伐之劑遂至熙食俱廢肢體
軟弱竟以淹延不起而又遍布流言謂

先帝之德
而目之則
傳安忍之
名此其心
良足原矣

先帝典居無節侍御蠱惑以圖蓋其悞藥之愆而大玷於聖明之德無心者顧如是乎謂文昇爲有心耶

先帝仁聖早著恩澤周被卽如置文昇於禁近慨然託以玉體之重待之不爲不厚矣文昇何心遽忍爲此意者幾微與竅之中別有爪牙情結之奸造成一定不移之局或并文昇之身而用之卒相推挾以至於此未可知也今文昇活口具在不可拷而問乎尤可異者

先帝長君踐祚

鄭貴妃以

皇祖宮嬪戀住在宮未聞迂避故違

南朝從信錄

卷之三

宋十一月

皇祖家法、內侍多先宜引避、遣往

先帝御前、沾沾以承奉爲名、今查浹月以來、所屢遣者何人、所承奉者何物、何以致

先帝於寢疾而崩殂、而謂可脫然無與乎。臣謂貴妃所遣承奉

先帝御前、門監必有登記、司禮監應爲查出、與文昇一併勅下候三法司、會司禮監、閣部、詞林、卿寺、科道、逮付各犯、俾之廷鞠、根因、分別正罪、然後家法不失、

國憲以明、縱

先帝定數難移、亦因是與衆通曉、而毋留疑端於後世、亦

日前吃緊一義也。然茲事關司禮監方今掌印為誰。虛受見在何處。決不宜以究處事屬之。語云。投鼠忌器。虛受通夷有據。納賄有因。若仍側席司禮。藏身禁近。將來潰敗決裂之禍。益不可支。蓋未有近侍敢輸國情於僉虜。不致起羗戎於輦下者。臣誠竊慮之也。亟願

陛下速逮虛受。併勅法司明正通夷罪狀。竝殲官府連結諸黨。然後禁近可幸一清。

國法漸以克振。臣遠在留都。不能盡知。

掖庭近態。第就前後疏論事情有據者。目昧開陳。一以正奸。臣恨藥之誅。一以明

祖宗內廷之法一以清肘腋逼近之奸伏惟

皇上速付所司查行庶宮府政體從此朗於白日

宗社萬世無疆之慶自此益肇培之中外臣民咸加賴禔
福之不淺矣

御史馬逢臯南御史李希孔交章劾崔文昇用藥之故請

正典刑

十一月甲戌朔原任經畧今聽勘熊廷弼揭

揭云日來見馮道長疏要將臣逮下法司莫令奸臣脫網張道長疏要用

尚友與王忬楊守謙并論魏掌科疏又舉出一裝逆榜極不可解之罪要逮至

闕廷如楊鎬何意其急急除奸問罪一得往遼會勘之旨必朝聞

命而夕就道不俟駕行矣臣恐淹留關外為人口實亟望山海趨發以便三公出關行事及昨見兵科公疏又要收回

成命而為之留行其若三公除奸問罪之意何察其留行大旨謂勘者即言者就令勘得通真臣必不服而其實不然原告被告例聽堂上處分臣以封疆大臣甘作被告以聽勘于三公之原告者誠降心以從也假使三公專主勘得悉行胸臆而高下其手葛藤或不得已今同勘者有經畧撫按有部道府廳有總兵諸將軍民審一人有一人口詞勘一處有一處結狀經一官有一官勘語俱當一一奏聞三公不得而增損一字也即與撫按會稿具覆而撫按內憑本心外憑輿論亦不肯以地

方徇三公而聽其輕舉筆也。該如是而過真也。敢不服。敢不相下。臣意氣雖頗。經營久定。即奴禽挾衆恃強。逼處撫順。而藩奉諸將。自能應禦。無瑕無隙。無可憂也。七八九十月分最緊急。過此數月至十一月十二月。冰凍枯矣。是其緩時。道將精神。儘能照管。不至驚亂也。若謂臣之功罪爲小。而封疆之關係爲大。則又溺其旨矣。使功罪而無關于封疆也。爲川勘正。惟關係封疆也。勘而守有所持。循勘而止。當事亟圖改正。勘而功。則寬臣以安衆。勘而罪。則處臣以懲衆。如分功罪封疆以爲兩。是欲勘臣于封疆外也。或謂臣實勞。顯績彰彰。然在地方中也。無可勘者。而無持以歸。甚不便。故三公不敢來者。然而來。固無妨也。昧心違公論。以徇科道。計承勘者。不肯爲。而稍作調停語。回護于其下。以存科道之體。而或其不免者。况言官有風聞奏事之例。卽說謊欺。責誣善言賢。而有此四字。足以益之。當今之世。誰敢向兩衙門問妄言之罪。而又何縮縮于來勘之一行哉。謹揭此爲三公勘駕。附經畧熊廷弼初與姚閔科一書。懺悔得罪之跡。不欲發抄。以存雅道。今見閔科辯揭。謂以不行薦舉。問罪經畧。何巧而文也。乃補發抄。與海內共見之。至于揭中語意。自有遼東顯然勞績在。閔科演說破。

迎逆得獎
 何有後
 平帝交與
 大器失次
 竟成水火
 況仕路乎

只無益也書云自台駕入關後每分疎薄見外于有道
 日遠每日隔坐成乖忤年來責重罪重勞深聚深一切
 罪矣有無虛實流布國中者無不由盡其致而昨者大
 疏猶止隱括其辭以示薄規此厚道也愧之感之念愚
 拙不移所以開罪于臺下者良非一事追維懷悔亦復
 何及茲欲一一求懺于左右未審許否夫開視之役為
 舊兵舊餉而按院閱疏纔上則無庸問為新兵新餉而
 經撫道將兵馬俱初至亦無庸問然而必于閱者借題
 目下補科之

命而園用夷攻夷以博奇功此中外所明也當其屢催
 不下或謂不佞他疏留中獨于臣疏輒報若催閱視下
 可為他日同心共事不佞恐違十羊九牧之
 旨未敢從及至遼而台札亦以訪問西虜優卹朝鮮大
 疏言之易于得

音見勤而不佞又未及從時惟撫院連上催疏而臺下
 由受事亦連疏稱獎以報其賜不佞慙省無繇也此不
 佞之罪也去秋八月初到忤亂每奏報必送書揭聞札
 或有商量者當時只作順帶語意不及復後聞以答遲
 甚見惟每向人云經畧自視太尚不肯用人言及查來
 書多言訪問金白子姓稍力意急欲取肯之了而愚不

去其能之
以而取也

此意能不
完

此意能不
完

能舍此不佞之罪也。用夷一事，地方屢求，虎酋不理，及
差取別鎮往，恐營講事，竊恐逆擊命官，一有他虞，動關
國體，不敢不忠言商確。何意遂逆尊旨，致以擅遣屠屠
是辦，雖日後無從下手，半白送四千金與處，結訪問之
局，而徒惹夷使一場之侮辱，必思不佞當日言為不謬
也。台意本不在閱，而強求實閱，本不欲來，而屢促過東
第知委查之事，河西少，河東多，河西輕，河東重，河西緩
河東急，當駐札河東，就便待查，而竟忘河西安且急，河
東危且緩也。旅言卽次，委欠體恤，初望台駕久駐遼地，
細將兵馬點閱，以信三等挑選之微，乃騷費各營路一
番，而草草以完虛套，始悔從前所徵求實閱者，全不悅
人意，此又不佞之罪也。楊萬鵬之批，原從舊守道起念，
聞台大怒，費撫院調停，如許始解。熊錦揚于渭，誠不難
聽，台劾以悅一贊畫老師之意，而天理人心，實過不得。
張昌胤、柯汝棟原為公道憐才求免，敢有恠執，允用將
領，各道開報，卽府廳且難作准，况跟隨游棍，訪查哄騙
如何，可任自謂于此頗有救正，而反疑為把持，每與人
書，輒云有所懲，不敢蹈專擅之罪，而竟為此忿而不薦
舉，此又擅不佞之罪也。往督撫于閱兵使者，卑辭厚禮，

阿意曲從，惟恐一失長者體，而不佞獨事事操臺下意，宜其不受而遂至于此。然而為地方一段主，張幾竭，固自可諒。乃擬舉罪過，增添誦託之微言，形之顯奏，窮工極巧，無所不至，何相報之過也。

朝廷半塊殘破疆土，付不佞而與之保全，以無虧，不佞以一付完全身子，報朝廷而為之消亡其大半，遂已之亡而復存，不佞且之生而致滅。

天地鬼神實共憐鑒，即為臺下所抹殺，因而鼓煽為衆口所銷鑠，而一段勞苦公案，亦遂水遼山在，私衷固無憾。若臺下出關，一應公私舉動，自知亦甚審，倘據道理為責備，指事實以敷陳，豈遂無以復臺下者，而不佞不欲言也。惟畧述其所以開罪于臺下者，一一懺悔，以祈禳解如此而已矣。月罪唐突，惶恐惶恐。

禮科周希令陳十二要、一惕已事、二論相職、三斷詔旨、四別批答五親典禮、六公賞罰、七彙奏疏、八宜和衷、九慎保舉、十飭京營、十一責成閩邊、十二增廣武舉。

禮科李若珪言天氣尚未嚴寒講席不宜早撤。不聽。
吏部都察院接出

聖諭近來大臣紛紛求去屢旨慰留通不遵承成何國體。
朕營精新政方倚任老成且卿等侍

先帝憑几言猶在耳豈可忽然大臣愛君體國道固如是
乎尚書周嘉謨李汝華都着卽出視事毋得瀆陳有蹈不
敬其言官論事亦當爲朝廷愛惜老成無得任意離黃至
隱諷微詞猶非入告之體以後章奏宜明白簡易指事直
陳毋得故爲含糊致人猜忖獎惑聽聞爾部院傳諭大小
各官協恭和衷共修職業以佐朕平明之治故諭

經畧熊廷弼交代疏曰蒙

天恩允放回籍聽勘又蒙

旨着令新經臣袁應泰刻期到任管事而臣可以交代行
矣但往日交代止于交付印信令旗令牌冊卷等項一咨
牒足以了事而今日交代則臺省諸臣叅臣以破壞遼遺
他人欲勒臣于關外自裁者既欲逐臣去又恐去後事體
難料而臣始不得不將應代事情一一清之于

皇上與新經臣交付明白立案而去矣去秋遼陽以非棄
城而逃遼陽孤城而今日自瀋水以南不但本城逃者復
歸而開鐵蒲河以南不知日集幾許各處客商增來幾許

此交代之人民也。清撫開鐵蒲、伊汎等城，咸爲賊陷，或致自棄，雖未遽復，而瀋陽棄城也。今復守奉集、棄城也。今復守寬、愛、瀋陽、長、永、寬、奠，皆棄城也。今皆復守，而遼陽無論也。此交代之城堡也。去秋遼城止弱馬兵四千人，崩兵萬人，瀋陽戍兵萬餘人。今援兵募兵計十三萬，各堡漸有屯集，各城漸有設防，此交代之兵馬也。海運俾貢車牛夫使催趙置辦，皆足供餽新餉與臣毫不相干。昨據餉司揭報自臣去年八月起，今年九月終止，通共主客官兵科糧并公費等銀，止用過二百三十一萬餘兩。兩府廳報本色米，止用過一百餘萬石，不知一年虛糜八百萬兩之說。

是從何來，經畧徑于錢糧舊管宴賞欽賞賞功優恤，各存
剩銀一十二萬二千有奇，新收職帶來犒賞，閩科助修敵
臺，開原道募兵存剩，地方輸助紙贖寄收，南戶部等衙門
輸助，并三次欽賞，內除一百萬內分去餉銀六十萬兩，九
邊餉賞三十萬內分去十二萬，聽撫臣分賞額軍外，共計
一百十八萬四千有奇，以上管收之兩項，通共一百三十
萬七千有奇，職與撫按關臣陸續支賞，開除過四十一萬
一千有奇，爲新經臣犒賞之川，俱問監軍道管糧廳細冊
存照，而臣亦未嘗虛糜也，此交代之錢糧也，各色軍器，除
疏請內庫咨計各邊不計外，打造過滅虜大砲重二百斤

已上者以數百位計、百斤、七尺、半斤、以數百位計、百子砲、以千計、三眼銃、鳥銃、以七千餘計、盔甲、胸包、臂手、甲梁、以四萬五千餘計、戰車、以四千二百餘計、鎗、刀、鎗、又以二萬四千餘計、鐵箭、大箭、以四十一萬餘計、弓、以五千餘計、鉞、鏃、斧、鏈、以九千餘計、鋼輪、火人、火馬、火罐、萬餘、敵砲、以十萬、釘、擲、牌、遁、刺、馬、鎗、等、項、無、筭、皆、詳、具、各、司、營、細、冊、中、而職不能悉數也、此交代之器械也、自丁家泊斬捕西虜、而抄花三十營、不敢入犯、自長勇臺撫煖兔二十四營、而東西虜不復交通、年餘已來、河東有犯、擒否、半年已來、塘報東西合謀入犯否、不知是間、臣姚宗文五萬出關、四十遺

三語自供
甚明勿枉
扑殺

慈之力抑職犒庶之力也此交代之西虜也去秋九月奴
賊立欲犯遼陽臣親往撫順指點山川佯示進取而賊又
畏不敢出四五月間臣親督兵馬濟奉修守以備賊賊亦
懼甚悉撤東邊反老寨諸夷于新寨合力拒守防我進勦
頃者搶掠棄餘村屯糧食乃窮寇坐守救死之計奪取遼
陽已絕口不道欲攻濟奉又畏我砲車打擊計惟待我進
勦背城借一而賊亦情見計屈矣此交代之奴賊也然而
其大景也何一件而非職大聲疾呼平口闔氣所得來何
一事而非職廢寢忘食吐血嘔肝所幹辦何一處而非職
身親脚到口籌手畫所親授一切地方極繁極重極難事

體有邊才數年經營不定者一年而當之而爲臣者亦難矣一時綱紀麤陳局勢漸定天時人事亦似有爲之好機括惟只將懦將庸兵弱兵少八字不得湊手。顧臣私與各道議曰誠使將勇以智兵強且多自當建大將旗鼓整衆一剪賊擒王滅此後食今兵將旣未可以與此便當尋一用懦用弱用少法與賊對壘相持漸進逼而別從他道擣襲以殺其勢而亂其心可坐而困也七月曾遣監軍道高出親往潘奉與諸將帥密議今冬揚兵撫順以張其勢明春移潘奉及各兵六七萬札三大營于撫順城下衛以戰車環以木城對賊五六十里彼此相持勿輕動別遣毛浙

名兵出寬愛川上各兵出清河入搗勦此兩處賊無重兵
可衝行無阻而後豎招降之旗懸擒賊之賞不出一兩月
間必有內應而起者一應軍中箱棚帳鍋口斧鋸繩釘之
類已傲諸將秘辦停當卽上城不能遽築僅用木城亦傲
諭每軍砍木一根聽候各道謂今冬宜進者職謂冬寒軍
士暴露冰雪苦寒當俟春暖日此時賊而有食度明年四
五月必盡有謂先出招降榜文者職謂人情不逼急則不
降我兵不臨邊則不急縱使降而我無以應倘爲賊所覺
察反以阻其歸順又有謂今冬當出寬愛者職謂不以重
兵綴撫順賊猶得分兵東應也賊中部落無食無鹽無布

又搬運木石包築山城甚苦頃又縮新寨十數里另起一城而諸夷甚怨之若我有舉動勢必內潰然職向不欲明言以俟中外之應援速臺省之催戰今到此地位不得不言而猶非臣做出纔說初意也然撫順之相持自守其所不能攻別道之夾搗攻其所不能守卽明言亦不妨者新經臣到遼陽時臣亦細細商說頗首肯而不以此爲謬此又交代之方畧也人家有盜劫火燒者垣牆屋壁什物財帛僮僕焚掠罄盡其主人東丐西乞操作攻苦撐支成一家當亦欲自己受用無奈宅不安人嘗生疾病又爲官訟誣纏而欲陷之歟自不得不舍之而他適如臣今者實類

于是河東地方係重留殘遼家當係臣新造豈不願自
收其成無奈福過災生勞績成病既爲二豎所逼而魏宗
文又爲劉國縉等內主鼓煽諸臣百方傾陷爲奴酋效驅
除首功雖欲不蒙勘而去亦焉可得哉趙克國曰兵戎國
之大事老臣何嫌伐一時之同不爲

陛下明言今日之事軍民不得言同事畏不敢言職不言
諸臣必真謂遼破壞愈荒張胤襲阻制後來不得行事臣
願諸臣勿以破壞爲他人慮也乃若臣爲他人慮則有之
年來

廟堂議論全不言軍中情實而第憑塘賊報緩急以爲說

前冬去春賊以冰雪稍緩輒閼然言師老財匱馬上催戰
及敗又愀然噤口不敢道一戰字此見職收拾纔定而愀
然者又復閼然急急責戰矣畢竟矮人觀場有何真見竊
謂一盤殘局敗已至此何可輕下劫着如向前漸逼之法
雖武侯復起不易臣言幸聽臣言無輒催促而謂敗兵之
將不可語勇如進兵撫順清河定築土城爲二三年之計
前議木城乃遮搶其外以修築而非其恃也築城定須用
軍士勿以臣爲戒若又言軍只修工不殺賊則順必不可
據賊必不受偏雖守藩奉十年何益此臣之所爲新經臣
慮也今之兵馬多不中用且少不足用乃臺省言再不可

以徵調空諸邊兵不可一日不用則餉不可一日不備乃
臺省又言再不可騷費空海內信如斯言恐他日徵調更
多騷費更大遼必喪言者之手戶部新餉銀兩當應時給
發兵部馬價案蒙工部器械打造各銀兩尚設法區處若
仍前咨計不理如工部不言不語僅批咨回兩字以相復
悠悠秦越遼必喪于各部之手如兵餉必不可再徵銀兩
必不爲處給戶兵工三部臺省諸臣當責狀存案毋徒以
失悞專罪經畧此又職之所爲新經臣慮也一切調發定
須查例往節制各省鎮得從便挑選精銳以裨實用鎮道
諸將有故抽老弱抗違不遵者卽以白簡從事該督撫不

得護庇以至器械甲仗馬匹軍役之類皆得惟吾所調而無不如意庶不掣肘前與樞臣黃嘉善言善謂各鎮有尚書者侍郎豈有節制尚書之理聞之但發一笑若自固其權而不予經畧專靠該部但發一咨出門便了已事各省鎮但推老弱出境便了已事職謂再調十八萬亦不中用良非虛語此又職之所爲新經臣慮也年來用杜松川李如柏李如楨裁巡撫添巡撫起贊畫川閔升議督護何非臺省所建何嘗有一效地方事常聽地方官爲之彼旣處凶地着重擔自能區處停妥幹辦緊急何用拾帖括語徒亂人意而一不從輒勃然怒謂人則愎若爲同年如親追

身敗而不任其咎恐有來亦無此法論斯舛矣

央保舉不遂而輒參人以快憤老成如此更覺新奇至于領兵出口違制債師自是大將之罪而必望經略以死古來文臣領兵而失利頗多並未見行此法至于零碎損掠有無隱匿自是道將之事猶不可為經略過求者若此後議論不省文墨不寬則經略必無所措其手足此又臣之所為新經略與封疆并國家為慮也伏乞

勅下兵部將臣疏立案仍將臣所慮事宜着

令該部議覆以便新經略展布此亦臣去後無已之思也所有原領

勅書符驗理宜繳還乞卽

查收

給事惠世揚遇災陳言曰邇者天心仁愛災毀一號殿之噦驚宮勢甚可畏竊思

皇上登極旬日有異氣關日之異滿朝臣子相顧錯愕然未有言之者蓋以天心正眷

聖德方新變出偶然不當遽以危詞動

聖聰曾幾何時而火災又見告矣臣愚昧敢一言以俾上下交修之實則爵賞之當裁也臣黨禁之當開也臣冗官之當議也臣武備之當修也臣民窮之當念也

皇祖

先帝相繼賓天

皇上應運嗣服爲人臣子喜痛並切竭力從事自是本等職分而叨恩踰涯如方從哲人言以爲嘖嘖何物禮臣又當鼎鉉異數也說者曰夜半宣麻已成故事何獨于孫如游疑之則一悞再悞臣有餘愧焉如游生平固無大過當此非分之獲卽宜懇辭求去乃戀戀大物聽從哲秘傳借

皇上頒曆冠婚大典微

特旨以爲進身之符多見其不知量而暗于大道矣古有遇災策免三公之事此正其時也而名器可不惜歟年來

卷之三

剪除異已百計排擠有指之爲東林之黨而處之者有變而爲西北之黨以處之者又有目之爲

東朝之黨而處之者夫言東林則東林耳何必借事于西北言西北則西北耳何必發難于

東朝仇視

君父芥視縉紳若高攀龍劉宗周孫居相劉策王之采陞大受等草木朽枯迄不見用則輿論之所以憤憤不平也聖朝無棄人何昭曠之途不可共游而傾陷無已時乎

國家多故非官之患而官不盡職之爲可患也巧用人而拙程材密持議而疎課績至此時蠹亂不勝言矣劉國經

之贊軍畫以虛軍冒實糧所謂無益而反害之者也卽徐光啓素負經濟竟以當事者處置失宜練兵未成遣遙長安道上且贊員視之而又以添一海運使無濟于轉輸徒滋其煩擾是亦不可以已乎奴酋犯順三年于茲矣言策者欲爲取勝于廟堂而言力者未能決戰于原野終日言兵兵不足終日言餉餉不足終日言道將道將不足遂竭天下之精兵聚之遼陽曠日持久爲自守計庶幾其徵天下之幸以保有殘土乎而廣寧而山海而薊鎮何處不當宿重兵何處不當有重將乃于京師根本之地不一加意令陰巧險猾之許弘綱入司戎政將以十二營爲委曲徇

人之資敗且立見而武備何時可修也遼難一日未平加
派一日不已哀我軍人竭力以事公家之急而不肖有司
因之爲利焉見年而爲逾年之徵地不論肥瘠糧不論遠
近年不論豐歉丁不論存亡槩立科條肆行督責夫民也
父母妻子長保而能不相率爲亂乎薪盡而火滅木實而
蠹枝葉隨之是可不爲之寒心臣言之止此矣願

皇上當此多難之時深思開國之道勵精圖治以養天和
諭令閣部科道等官公忠體

國毋開倖門隱伏其情自處于可議毋塞賢路類創其條
示人以可疑毋矯衆非而容獨是毋勤遠畧而忘近憂將

見政本清，壅塞通，內外皆師，師濟濟之選，順治威嚴大第，奏效何殷，憂之不可以啓。

聖而災異之不化爲吉祥乎。

九廟神靈實式憑之而。

先帝默祐感格，又在尋常之外矣。

命兵科朱童蒙往遼東會勘熊廷弼功罪。

南御史李希孔糾閔科疏曰：方今縣寓之內，多未安堵，而憂壘卵者，無大于東事。調兵徵餉，所在騷然，此一時也。蒙神宗皇帝特起熊廷弼于田間，不次之擢，不御之權，繇身史而躡躋經略。

賜劍上方，濟加卿貳，從來臣子之遭逢，莫盛焉。不虞廷禍之負，乘僨輓一至此也。蓋其傲視高趾，獨智予雄，羣策羣力，傲屈失筭，于是禽志益驕，虜騎紛馳，殺掠時告，蹂躪之餘，陰晦之夕，厲魄吞冤，磷鬼哨聚，戎索日垂，邊計日短，青瑣繡斧之臣，熱腔豎髮，白簡霜飛，前後臚列，殆無剩畧。皇上赫然震怒，擇遣風力科臣往勘，竊計廷弼曩者之罪戾，昭昭早懸之衆目，旦夕之罪案，凜凜將著之冊書，臣可無庸再贅。添蛇足者，獨恨陰奸閹臣姚宗文，府奧閭閻，人衆莫發，臣靜觀旁覩，傷心結臆，居代謝稽已稔，而竟未見有啓半喙，一爲

皇上陳說者、臣心鬱發、不能自安、幸叨南臺之選、解觸原
非越俎、請質言而縷數之可乎、人言宗文生平詐僞、蓋世
神奸、雲翻雨覆、鱗甲滿體、一切窮奇、臣皆不問、只就閱視
而言、夫疆圉之任、界之經臣、監察之柄、界之按臣、而復添
設閱視、偶尊分席、且以踞于其上、寵靈之任使、迥溢尋常、
簪荷之烜赫、倍難報稱、爲宗文者、飲冰在會、當何如綜核、
何如詳慎、庶幾不辱

皇上之簡命、爛然有光于任使、而宗文之意、何如也、逐羶
之嗜、豁壑難填、巧借閱視、急徵補科之命、而騰落于出關、
愴怛了事、有如遊子之急、急赴家者焉、又借閱視、捷取清

卿之轉而計精于鑽穴俯仰依人、有如賤商之孜孜登龍者焉、臣邇共事之日、一味含糊、渾身躲閃、望瓶之智幾何、坐井之窺不廣、以夷攻夷之策、有何劈畫、畫得虎愁之要、領否金白之裔、有何下落、果得亡夷之種類否、四千之金、浪而擲之于虜穴、反聞其凌侮、夫靡而廢之、不惜其逝波、還而按之、復茫如捉影、如此等畫、果其合于欲取固與、投桃引瓊之妙否、此猶其小者也、最可恨者、主事劉國綰、上川遼人、事事決裂、遼廣之恨、不啻入骨髓矣、而挺身護法、絕無一字之推諉、豈非背公之私黨、自暴賣國之隱衷、與周永春于沒遼餉、紛紛破冒、道路之口、亦既講潮翻矣、而

竭力周旋，更多卮言之褒，邇豈非首尾牽制，不禁淶鼎之厚顏？若乃迷心失性，如昏如醉，不可解者，復三事披甲荷戈，垂二十萬一日而畢，毋論技長之參錯，工拙之懸殊，咄嗟之間，勢難稽核。今置宗文于前，徒使之按籍呼名，從朝至暮，大約僅料萬人，而義御已入虞淵，餘多許將若之何？中外杞憂，斷斷訝邊諸之虛掛，尾閭易洩，漏卮莫供，此何等時何等事，而容草草作孟浪者？且何以許于河西，而獨略于河東也？一不可解。當其報命，謂宜米鹽細瑣，鑿鑿入告，諸弁或功或罪，功不蔽其罪，罪不蔽其功，士卒或勇或懦，或強勇而易以折，或雖懦而尚可鼓器械，或利或鈍，或

荆鈍之相說城池爲金爲湯或且爲復墜若帶若礪而不
可恃諸如此類蔽無一語及見諸臣彈劾廷弼膚無完矣
觀望倚惶懼將自及始乃微答數語且復巧托處鐸而謂
叨轉之後太常之班非慷慨論列之時夫太常不可諤諤
前此在閔誰禁之而使不言當言時既不能言不當言時
又不可言閔視之遣毋乃爲駢爲枝真濫竽者乎二不可
解一切錢糧有無虛耗不清刷是何主意抑有別腸及見
計臣之駁查復之曰吾未有戶曹之款不知所對是宗文
不能任閔戶曹乃代爲之任重甲厚顏面孔羞澁何以見
人有如戶曹不結宗文欣然得計將終不報乎誰司閔視

而模稜若是三不可解。又最可嘆者廷弼自知有罪百圖解免計無復之。強臺省糾叅公疏盡卸之宗文坐爲鼓煽挑激宗文股慄曉曉致辨推而遠之惟恐粘着嗟嗟廷弼愚矣臺省自臺省宗文自宗文臺省未嘗假宗文爲發縱之主廷弼何得借宗文爲護身之符也宗文亦愚也廷弼自有廷弼之案宗文自有宗文之案經畧之辜作何緣故閹視之奸狀無計求寬亦不得援經畧之罪狀相掩也。比來公忠發憤多爲此一方聚訟盈廷幾傷國體而後倖得另遣科臣往勘之旨職每評之遼事之爭廷弼誠局中之罪咎宗文豈局外之等閑前日之閹閹遼事也而閹廷弼。

亦在其中。今日之勘勘延弼也。而勘宗文已寓于內。假令宗文前日之閩黜陟功過判若列眉。何至復煩今日之勘。既有今日之勘。繇無事而之有事。恬謐而致牽駭。又何取於前日之閩。罔上行私。宿奸養亂。疆場之隱蔽滋紛。朋黨之葛藤不了。誰問厲階。宗文可勝誅耶。總之年來賞罰不明。是非倒置。卽如撫臣專制一鎮。而失事始禍之李維翰。不從逮繫之杜。總督專制薊遼。而抱頭鼠竄之汪。可受不聞貶削之律。國法安得不弛。公論安得不殫。今若再置宗文。不一按核其罪。異時有事。尤而效之。富貴非惡。誰肯孤行介意。矢公司直。挺然爲縣官任勞任怨。備緩急者。而國家

尚可爲哉、御史言事、例得風聞、乃職此疏、一一皆從宗文
身上行事拈出、或屬通國之耳目、共見共聞、或就宗文之
奏牘、自吐自露、薄加指點、卽揭日月、單詞隻語、並非分外
假借粧飾、而小人之肺肝、全然托出于斯矣、伏乞

皇上卽勅部院從公查核、如果職言不謬、卽將姚宗文立
賜罷斥、以爲人臣陰險不忠、欺君悞國之戒、職觸犯奸鋒、
自知不免、然蒙

聖恩、拔置南臺、思以此身報塞、竟無所避、惟

皇上省覽施行、

是時糾宗文者、科臣毛士龍、則有同舟抵括之誦、臺臣
方震孺、則有當局不言之託、王允成一疏再疏、而及繼

之以敷揚，炳若照燭。李希凡一疏再疏，至于三疏，廣明
除奸，結甲二義，惟敵忤選庸弁，阻抑考選，諸罪狀不遺
餘力，但益更之義，總之從閱途一事而起，故存前疏以
見公託。至于後二疏，成心攻發，可無錄。以志雅厚之道。
給事中趙時川奏曰：「惟因事之是非利害，不壅于上聞，
而廟謨之決計剖分，無患于下阻者，皆資于議論。然有壅
之而不聞，聞之而實壅，求其下之無阻，而勢不得不阻者，
亦此議論爲之。夫議論何常哉？要在持論者就日前之緊
要，施對症之針砭，或急或緩，當輕當重，宜唱宜和，可開可
休，毫不參以成心，而」

廟堂之上，秉至公至虛爲之斟酌。庶幾可以定國是而羣
情無所搖。若今之時，事有議論已定而不必追尋者，門戶

之說是也。年來之拾遺不休，既已兩受其敗，今日之喘息方定，豈可再觸其狂，非但不可張之口，亦且不可留之胸中。若有分別彼此之心，必且復激玄黃之戰，黨之一字，爲害萬端，有議論未定而不當爭鬪者，勘遼之事是也。善戰固先自守，長守便須用奇。以去年之瀋陽棄而復守，遼城危而幸安，不可謂經臣無勞。若今歲之村屯明明殘破，軍馬明明損折，豈可謂言出于虛誣，總之無謀之守，不足以遏強夷，或以前日之勞，不足以蔽後罪，但平其氣，一勘自明，有緩之實，急而不可不議行者，屯田之利是也。太倉之罄已懸，加派之法難繼，若不驅荷戈之士自耕自食，則

必使轉餉之民愈困愈窮、及今講求、猶慮其晚、非實任者、何以舉行、急之實緩、而不可不議精者、練兵之制是也、但說練兵、何曾得手、京營惟知呐喊放炮、邊士無一衝破鋒敵、如奴酋之羣醜、計不過五六萬、而藩奉之屯聚、亦儘可以相當、然此嘗至于負怯而不敢往、彼且恃強而敢數來、若使訓練扶戟、何以縮慍不前、有至重大而當執其敬者、郊廟之禮是也、陟降對越、乃饗帝尊祖之精誠所通、而必躬必親、猶

新主肇稱之殷禮、當舉、若必在蒞經之中、未可遽行郊祀、則安有爲天之子、必待卽吉之處、一有寬假、百事凌夷、舉

在德宜塞

朝歷譏事豈嫌觸有至鄙至汚而不可寬其議者禮卿之
入閣是也爰立必繇會推寅緣終是倖徑繇如游素無品
望不應驟躡揆階若使半夜之外卦遂爾亂顏就列則是
枚卜之大典可以聽人撓取非裂其麻何以勵耻此皆議
者之事爲臣輩所職掌持其見而進之于

妙語沁心

規切新時

廟堂至參密勿而主持議論者則輔臣事也輔臣雖賢必
不能外臺諫而採公議臺諫卽素望輔臣亦必不求多于
公議之外首輔既杜門請告則新參二臣自當力肩其任
二輔初任時人頗想望其丰采乃近日有數事不無模稜
與外議相齟齬甚且以票擬之權移之于中官人見其坐

失職掌不肯力爭遂有交通之議二輔干名節當不致其然亦不可不防其漸而亟收之也以

皇上冲齡中外構疑之日惟是輔臣是賴籍云輔臣能盡其職掌以爲主權重臺諫諸臣各效其議以左右匡扶而爲輔臣重大小秉忠物議不譏則

國是自然畫一而太平不難力致伏望

皇上責成二輔使其每事秉公奏聞而

皇上亦宜虛衷聽納無以內批爲慣常臣輩亦得矢忠于聖朝也

尚書黃克纘奏略曰

臣法官也欲以法處人必使其罪皆

麗于法，彼方無詞。今姜昇、鄭穩、山劉尚禮，不持一物，劉遜拾得珠結，還與選侍，而與王永福、姚進忠手持寶者，併首就戮，得無失輕重之別乎？若曰：李選侍事，聖母不恭，遇

皇上失禮，其下人不可輕恕，則臣願

皇上爲

先帝優容之，蓋父母之恩，猶天地也。履后土則思母德，戴皇天則思父恩，仁人孝子之用心，固宜如此。然

先帝欲冊封選侍爲貴妃，其匣中祇中之物，安知無出于先帝所賜者乎？以是而重下人之罪。

先帝在天之靈、必有愀然不樂者矣。臣願

皇上之深思之也。

上曰、朕初登大寶、刑政豈不遵于成法、昨因內犯王永福、擬罪第減、當日移宮、朕隨差管事人等護送、各有轎乘、該部如何輕聽姜昇等一面脫罪之詞、不知昇等平日罪狀多端、今雖加斬、未盡其辜、姜昇等遵前旨、各斬、該部再不必贖陳克縝、又上言曰、臣于問擬王永福一招、有擬克渾軍者四人乞弘

恩貸、此其中亦自有故、是日因移宮而盜珠寶者八人、監故二人、擬斬二人、克渾軍四人、臣謂此亦是以正法矣、所

欲邀恩于

皇上者、推廣

先帝之遺愛、付之不治、勿過怒其下人、故有履后土而戴
皇天之語、蓋以父母並尊、事有出于念母之誠、而迹有涉
于忘父之過者、必委曲周全、使渾然無迹、方爲大孝、此臣
區區之愚心也、

上曰、卿委曲周全、欲朕渾然無迹、朕豈欲以迹彰之、今內
外本無事、因盜犯而多事、卿非黨李氏之人、而逞詞偏執、
不顧君父者、信有之、昨朕諭傳、豈得已哉、卿宜安心供職、
不必疑慮、

試御史方震孺奏曰。宇內蕭然景象。以爲郡邑如是。而都鄙復然。以爲城市如是。而村屯復然。凡父老相聚。必曰三五十十年前繁盛。今漸不如矣。思我

國家深仁厚澤。超絕萬季。二百餘年。民不知兵。謂宜生養休息。與日俱盛。而乃云漸不如前。其故何也。或者水旱頻仍。民不堪命。其虛實凶豐。然不盡苦陽侯之波。祝融之焰也。或者謂民實淫巧。自致耗損。而其實奢者自奢。朴者自朴。不盡皆輕衫花袖。雕鏤器工也。然則百姓何以日窮。亦曰。天下貪吏多。而懲貪之法。紀疎耳。臣請得以細數之。一邑佐貳二三員。各有職掌。司捕者以捕爲外府。收糧者以

糧爲外府清軍者以軍爲外府其形驅勢迫卽綠林之衆
何以加焉然此猶其渺小者耳稍上而爲長吏則有罰穀
有羨餘曰吾以備朝京之需吾以備考滿之用上言之
不諱下聞之不驚雖能自洗刷者多而拘于常例者不盡
無也然此猶其渺小者耳又上之而爲方面歲節則有獻
生辰則有賀不謀而集相向而來尋常之套數不足以獻
芹方外之珍奇始足以下黠雖能自洗刷者固多而拘于
常例者不盡無也蕭然而來滿載而去計其所載者非其
携之于家歸之子孫又非鬼輸神運總皆百姓之脂膏又
窮百姓賣兒賣女而得之耳總之如是而安得不日剝日

銓司撫按
官如足亦

九厘之但
恐未然耳

銓司則計
自出

削以至於盡也。所恃以褫貪夫之魄，而消官腹之饑，惟朝廷三尺是賴。而銓司之考成，止于罷職撫按之彈治，極於爲民夫。撈有餘之金錢，高田廣宅，歌兒舞女，肥肉大酒，彼亦何所不愉快，而需此匏瓠之進賢乎？又況乎漏網于吞舟，官高於金鑄，間有三三孤寒，清苦獨爵菜根者，又未見有十道徵書，九遷異數，或因而益其困頓，而銅山金穴之子，乃相率而嘆其計拙，嘆其命窮，顧影自憐，撫心誰賞，廉吏安可爲，而貪吏安可不爲也。最可嘆者，撫按之白簡，賊私累累矣，而以一語結之曰：文猶可觀。曰：甲科可惜。曰：器使可用。曰：末路可新。不思士之失節，猶女之失身，水之

東也不可轉而西，絲之縑也，不可轉而素。士君子已矢身，而彩筆雄文，何益毫髮高科巍第？實玷班行，畢竟何器可。使何末路之可新乎？銓部劣轉一番，倉巡驛遞等官，極其誅求，而真實剗民之肉，吸民之髓，則漠然不問。內不能別季報歲報，遂爲不刊之章程；駢語薦語，總爲虛應之故事。斤斧未經鋤治，不易雖成法固然，獨不思養猛虎于深山，俟期限既滿，恐毒吻之餘，斯人已無噍類矣。撫按之糾彈其疎于外者如此，水鏡之持衡其疎于內者又如此。如是而百姓安得不窮？然則廉吏安可爲，而貪吏安可不爲也。達無論。

祖宗之朝人必奉法法必如人宇宙清朗斯民受福卽

皇祖初政一錢若廢致屢

聖懷不須借芥規于異代也况

主上幼冲人情易于因循法紀易于懈弛所宜勵精振刷
又當何如者夫以

皇祖之初政事事嚴明江陵之相事事綜核而積漸所致
猶化而爲賄賂之乾坤浸成一因疲之世界今若一以寬
裕從事元氣未必培而濁氣先充塞于宇宙竊恐已倒之
瀾寧可問哉今天下寧無嚴暮夜四知而慎白日之一介
如軒輊海瑞其人者曾不見有格外之超升寧無以阿堵

爲性命、視性命如草管、如錢若賡其人者、曾不見有盡法
之逮、造資格一字、真如鐵壁、銀山、公道一言、竟是土、羹、塵、
飯、吓、可嘆也、可恨也、卽行取曠典、而九載理官、一塵不染
之鄒維璉、尚爾棲身于留署、京堂填滿、而三年學憲、清標
孤登之鄒俊、亦始卅籍于南藩、而軟滑無骨、晦嘿藏身、或
占勝、以爲趨、一似形神之無主、乃取京卿如寄、勸懲未
當、此烈士所以灰心、而穢夫所以滿志也、伏乞

皇上念吏治關民生、以激濁揚清爲今日第一義、內責銓
司、外責撫按、不問資格、不立限期、但有極清者、特擢一二
人、以爲榜樣、極貪者、立逮二三人、以爲覆車樣、亟將從

前姑息套數、一筆盡勾、耳目一新、而又嚴諭在廷諸臣、肅然澄清、無容外吏得以借口、實庶幾吏民有起色乎、以今何事不苟、且何法不凌夷、卽如陷城隕將之遼撫、尚鼓腹而樂鄉園、叱咤謾罵之經臣、又公然而過、

闕下當局不言之閱視、又安坐而享清卿、至若望三台而流涎、忘萬口之共唾者、豈往後之彈章、爲催官之吉兆、或以一日之黃麻、換舉朝之白眼、考之典故、實未經見、又何惟碌碌小臣、弊羶而遂臭也哉、臣愚無所知識、凡一切培養

聖躬、嚴杜中書、消異同之見、助師濟之風、諸臣言之已悉、

無俟臣之瀆陳、當見吏治日壞、民生日迫、故敢不避煩瑣、
謹效其區區如此、冒昧上聞、惟
聖明採擇、